

雍正朝汉文谕旨汇编



广西师范大学出版社

中國第一歷史檔案館編

雍正朝漢文諭旨匯編

第六冊（上諭內閣）



廣西師範大學出版

雍正朝漢文諭旨彙編

第六冊

目錄

上諭內閣

康熙六十一年十一月

康熙六十一年十二月

雍正元年正月

雍正元年二月

雍正元年三月

雍正元年四月

雍正元年五月

雍正元年六月

雍正元年七月

雍正元年八月

雍正元年九月

雍正元年十月

雍正元年十一月

雍正元年十二月

雍正二年正月

雍正二年二月

雍正二年三月

雍正二年四月

雍正二年閏四月

雍正二年五月

雍正二年六月

雍正二年七月

雍正二年八月

雍正二年九月

雍正二年十月

六

一七

二七

三三

四一

四六

五二

六一

六七

七五

八一

八七

九一

九七

一〇〇

一〇四

一〇九

一一三

一二一

一二六

一三五

一三九

一四三

一五一

一五五

雍正二年十一月	一六四
雍正二年十二月	一七〇
雍正三年正月	一七六
雍正三年二月	一七九
雍正三年三月	一九〇
雍正三年四月	二〇一
雍正三年五月	二〇八
雍正三年六月	二一三
雍正三年七月	二二三
雍正三年八月	二三二
雍正三年九月	二三七
雍正三年十月	二四一
雍正三年十一月	二四五
雍正三年十二月	二四九
雍正四年正月	二五八
雍正四年二月	二六九
雍正四年三月	二七五
雍正四年四月	二八〇
雍正四年五月	二八六
雍正四年六月	二九四
雍正四年七月	二九九
雍正四年八月	三一四
雍正四年九月	三二六
雍正四年十月	三三九
雍正四年十一月	三六〇

欽定四庫全書簡明目錄

詔令奏議類

上諭內閣一百五十九卷

自雍正元年至七年爲廷臣奏請宣布莊親王允祿等校刻自雍正八年至十三年爲皇上卽昨以後續錄成帙和親王弘晷等奉敕校刻與前編合爲一書原本不題卷目惟每月別爲起訖今恭依舊次編爲一百五十九卷

粵東藩庫藏板

欽定四庫全書總目

詔令奏議類

世宗憲皇帝上諭內閣一百五十九卷

雍正七年

世宗憲皇帝俯允廷臣之請

命和碩莊親王允祿繕錄刊布所載起

御極之初止於是年以雍正九年告成

皇上卽昨以後復

命和碩和親王弘晷編次雍正八年至十三年

上諭校正續刻補爲全書以乾隆六年告成原本皆以每月別爲起訖不標卷數今恭依舊次釐爲一百五

十九卷原本亦未題書名今恭釋

諭旨由內閣

宣示者居多謹題曰

上諭內閣以別於

上諭八旗諸編焉伏考

國家舊制始置內三院後乃改置內閣以出納

綸音恭逢

列聖膺圖

乾綱獨握自增用奏摺以後皆

高居紫極

親御丹毫在廷之臣一詞莫贊卽

0006456

硃批諭旨是也其題本由內閣票擬者遇事涉兩岐輒恭

繕雙簽以請無敢擅專至於

訓誥特頒則

指授內直諸臣於

禁廷具章有纖微未達

聖意者必

御筆塗乙添注亦罔敢以私意參其間

鑒定之後降付內閣宣布中外而已更無由如前代宰輔

假批荅以竊威福者此一百五十九卷名爲臣工

所繕錄實與

御札手敕無以異

三

勵精宵旰之懷謹持魁柄之意萬世可伏讀而見之也我

皇上御跋程順經筵劄子力斥其天下安危繫於宰相

之說誠所謂聰聽

彝訓垂裕後昆者矣

雍正七年閏七月十六日和碩怡親王 允祥一

等公武英殿大學士兼吏部尚書領侍衛內大臣

馬爾賽經筵日講起居注官太子太保保和殿

大學士仍管吏部戶部尚書翰林院掌院學士事

臣張廷玉經筵講官文華殿大學士仍管戶部尚

書事 臣蔣廷錫謹

奏爲恭請彙編

上諭刊刻頒發事竊惟膺民覺世天開首出之聖人錫

極綏猷人仰亶聰之元后唐虞三代之世帝典王

謨昭垂星日歷代英主賢君所有詔令具載史冊

若唐之貞觀政要明之洪武聖政等書當時編輯

二

頒布至今班班可考書曰聖謨洋洋嘉言孔彰洪

範曰皇極之敷言是堯是訓于帝其訓帝王詰誠

之文所以著勞來匡直之意示蕩平正直之途陶

淑斯民整齊治化經籍所傳復乎盛矣欽惟

皇上

道隆千古

治軼百王

闡精一之微言圖疇竝攸

建中和之大法彙紀不昭爰弘垂訓立攷之思用著

覓民正俗之義

綸言諄摯

詔諭周詳無一事不曲折指授無一人不親切提撕澄
敘官方整飭士習崇舉孝與廉之典申務農力本
之規杜抗糧健訟之風嚴竊盜爭鬪之禁以及倉
儲水利軍伍保甲諸大政皆洞悉情形引伸開導
天下臣民莫不警懼覺悟咸發奮興聞風者洗心
滌慮自悔前非懷德者敬信奉行愈深鼓舞是

皇上之睿訓宏猷實萬世之金科玉律也歷年以來內
外臣工屢次恭請編次刊刻頒布天下未蒙

俞允今侍讀學士_臣康五瑞又復條奏懇請_臣等伏查
明洪武七年命宋濂等分類編輯所行善政著為
寶訓五卷頒示天下後有善政史官隨類增入凡

十五卷又洪武十九年頒行御製大誥三卷使民
觀感知所勸懲且若訓曰朕出斯令乃臣民之至
寶頒布天下務必戶戶有之伏觀自雍正元年至
今七年

皇上訓諭數百萬言精微廣大無不備舉實與二典三
謨媲美後先允宜彙輯刊頒使遠近臣民家喻戶
曉昭萬年之法守立萬姓之章程伏祈

皇上俯允所請_臣等開列大臣官員職名

欽點編次校閱等官自雍正元年以來所奉

上諭編年繕錄進呈

御覽恭候

裁定刊刻成書頒示天下俾海隅蒼生萬邦黎獻咸知
聖天子訓民勵俗之恩如此其懇勤誠篤將歸仁嚮義
一道同風仰承啓迪之

鴻謨永保邦隆之
盛治_臣等不勝懇切願望之至為此謹

奏奉

旨內閣九卿翰詹科道會議具奏雍正七年八月初二
日太子太傅文華殿大學士兼吏部尚書_臣朱軾

文淵閣大學士兼兵部尚書_臣孫柱文淵閣大學

士兼禮部尚書_臣陳元龍東閣大學士兼兵部尚

書_臣尹秦內閣學士兼禮部侍郎_臣德新_臣對林

吏部左侍郎_臣宗室普泰戶部右侍郎_臣傅泰禮
部尚書_臣石文焯左侍郎_臣錢以墀右侍郎_臣傅

德_臣蔡世遠兵部尚書_臣路振揚左侍郎_臣楊汝

毅刑部尚書_臣德明_臣勵廷儀右侍郎_臣海壽領

外侍郎_臣收可登工部左侍郎_臣鄂爾奇都察院

左副都御史_臣宗室塞爾赫_臣謝王寵通政使司

通政使_臣張懋誠左通政_臣湯之旭左叅議_臣雅

圖_臣吳山_臣張國棟大理寺少卿_臣巴德保翰林

院侍讀學士_臣覺羅逢泰_臣德齡侍講學士_臣覺

羅吳拜_臣張照_臣俞兆晟詹事府詹事_臣張廷璐

吏科給事中_臣高山戶科掌印給事中_臣巴圖禮

科給事中臣兆華臣領祖鎮兵科掌印給事中臣

馬賽刑科掌印給事中臣常柱工科掌印給事中

臣奚德慎掌河南道事監察御史臣梅琮協理河

南道事監察御史臣楊士鑑掌江南道事監察御

史臣傅色納協理江南道事監察御史臣劉吳龍

掌浙江道事監察御史臣羅鳳彩協理浙江道事

監察御史臣宗室崇揚勅掌山西道事監察御史

臣焦祈年協理山西道事監察御史臣歸宣光掌

山東道事監察御史臣善岱協理山東道事監察

御史臣湯倏掌陝西道事監察御史臣晏斯盛協

理陝西道事監察御史臣耿大烈謹

奏爲恭請編次

上諭刊刻頒布事臣等竊惟世運邦隆之會治平極盛

之時必有繼天立極之聖人弘開覺民善俗之大

化古稱峻德新民主誠成物惟文命光被於四表

斯德教協和於萬邦堯典禹謨商盤周誥用以錫

極歸極使之一道同風者由來尚已欽惟

皇上

德備中和

功兼位育

聰明睿知勤敷求康保之思

德禮政刑協仁育義正之用

乾行健而政紀咸肅

皇綱振而教化弘敷上則敬

天法

祖下則察吏安民凡理財用人之要務人心風俗之大坊

刑法令甲之科條閭閻衣食之經畫早潦積儲之

調發盜賊獄訟之防維農田水利之興修軍伍保

甲之規制近自宮廷畿輔遠訖東西朔南無不仰

厯

宸衷上煩

睿訓黜陟刑賞必詳示底蘊以服其心因革變通必熟

籌始末以期可久明天人感應之理示禍福自取

之由開人自新引人遷善

皇言藹藹

聖謨洋洋廣大精微高明博厚與天地合其德與日月

合其明輝

上聖之心思啓斯世之蒙昧至正大公渾然天理詳明

篤摯深入人心臣等伏念四海至廣兆民甚衆雖

其聽聞感悟不異面命耳提然必誦讀尋惟乃可

淪肌浹髓中外咸切近

光之慕臣民共殷就

日之忱伏乞

皇上聖恩俯允怡親王允祥等所請先就雍正元年至

七年所頒

上諭

特命大臣官員開館敬謹彙輯編年繕錄進呈

審覽裁定刊刻成書頒行天下以後千萬年接續編刻

永以為例俾萬方士庶奕世臣民仰見立政之

天心時聞敷言之

聖訓自庠序以至郊圻知無黨無偏之大義合知愚以

及老幼咸遵道遵路以同風斯正直蕩平治道超

於隆古敦龐熙皞民物育於太和等合詞公懇

俟

命下之日應派編次大臣及校閱繕錄收掌各官聽內

六

閣開列請

旨共擇吉開館一應事宜由禮部詳察典例具

題等不勝踴躍誠懇之至謹

奏請

旨奉

上諭年來內外大小臣工奏請刊布上諭者甚多朕皆

未允今侍讀學士康五瑞又復具摺陳請怡親王大

學士九卿翰詹科道等眾議僉同言詞懇切朕自御

極以來時時以屬民覺世為懷是以告誡臣工訓誨

士庶化導兵弁者周詳往復不憚煩勞無非欲其慕

義嚮風遷善改過共山於蕩平正直之途也凡此詔

諭所頒皆以

皇考之心為心以

皇考之政為政繼志述事率由舊章當時

聖諭之所啓迪包涵者朕則闡揚而詳發之其中間有因

革損益先後不同者則因時制宜化裁變通之道也

惟是歷年諭旨或因一省而發或因一事而發有司

等照例宣示於該管之處其別省遠地豈能一一周

知且傳寫悉經書吏之手字句之間往往錯訛遺漏

夫欲使溥海之廣臣民之眾遵道遵路易俗移風必

使天下之人備聞朕訓深知朕心庶幾感發奮興以

為進德修業之助今王大臣等既稱上諭刊布有裨

七

益於人心吏治著照所請行朕亦不敢謂朕之諭旨

可以有勞來匡直之功惟冀億萬臣民共知朕提撕

儆戒之苦心耳

康熙六十一年十一月

詔一道

奉

天承運

皇帝詔曰惟我國家受

天綏祐

太祖

太宗肇造區夏

世祖章皇帝統一疆隅我

皇考大行皇帝臨御六十一年德茂功高文經武緯海宇

寧謐曆數悠長不謂謝棄臣民遽升

康熙六十一年十一月

龍馭親授神器屬於藐躬朕

皇考大行皇帝

德妃之子昔皇二子弱齡建立深為

聖慈鍾愛寢處時依恩勤倍篤不幸中年神志昏憤病類

風狂

皇考念

宗社重任付託為艱不得已再行廢斥待至十有餘年沉

疾如故痊可無期是以

皇考升遐之日

詔朕繼承大統朕之昆弟子姪甚多惟思一體相關敦睦

罔替共享昇平之福永圖磐石之安孔子曰三年無

改於父之道我

皇考臨御以來良法美政萬世昭垂朕當永遵成憲不敢

少有更張何止三年無改至於

皇考知人善任至明至當內外諸大臣朕方亟資翊贊以

期終始保全務宜竭盡公忠恪守廉節俾朕得以加

恩故舊克成孝思倘或不守官箴自干國紀既負

皇考簡拔委任之恩又負朕篤愛大臣之誼部院屬吏直

省有司亦宜實心任事潔已奉公不得推諉上官自

贍厥職天下百姓受

皇考恩澤日久蠲賑頻施勸懲備至間有愚氓甘犯律令

皇考每遇讞決必加詳審爰書累牘披閱靡遺少有可生

康熙六十一年十一月

之路立施法外之仁凡我百姓各宜孝親敬長畏罪

懷刑以副朕仰法

皇考如天好生之意茲因諸王貝勒大臣文武官員人等

僉謂天位不可久虛

宗社允宜早主再三陳請朕勉徇輿情暫抑悲痛於是月

二十日祇告

天地

宗廟

社稷即皇帝位以明年為雍正元年仰惟

先志之宜承深望

皇圖之永固迺昭新化期衍舊恩於戲追慕

前徽繼述無忘於夙夜廣推

聖澤恩膏願被於寰區凡爾親賢文武共其矢蓋誠各輸

心胥用紹無疆之業永垂有道之庠布告天下咸使

聞知

上諭四十四道

十四日奉

上諭曰

皇考教養文武大小臣工六十餘年孰不躬沐

深恩今一旦

升遐衆心哀痛切至於將大殮時可命王貝勒貝子公文

武大臣俱入乾清門內令其瞻仰得盡哀戀之情

康熙六十一年十一月

三

又禮部議奏儀注內開公主王妃俱於

乾清宮丹墀內齊集奉

上諭曰

皇考之女朕兄弟之福金豈可遠列丹墀朕心不忍著仍

入大內親近

梓宮使得盡哀朕之兄弟子姪俱著入乾清門內於丹陛

上隨朕行禮

又王大臣等奏請

上御昭仁殿或

御弘德殿奉

上諭今遭

皇考大事哀痛方深何忍安居內殿其以乾清宮東廡爲
倚廬

十五日

欽命王大臣四人爲總理事務王大臣奉

上諭現今啓奏諸事除朕藩邸事件外餘俱交送四大

臣凡有諭旨必經由四大臣傳出并令記檔則諸事

可以帙然不紊其奏事人處亦諭令記檔凡

皇考所有未完事件何者可緩何者應行速結朕未深悉

加以苦塊之次中心紛替著大臣等將應行速結事

件會同查奏請旨

又諸王大臣等合詞跪奏臣等仰見

康熙六十一年十一月

四

皇上至性純孝過於哀慟伏思

大行皇帝付託至重

天地

宗廟

社稷所關甚大叩祈

皇上少節哀痛以保護

聖躬奉

上諭云

皇考之恩深重不但諸王大臣愛慕無窮凡官員兵民無

不受慕況朕受

皇考養育深恩盡孝盡哀乃朕爲子之道朕亦自量不至

過哀

又總理事務王大臣諸王大臣等以

上哀瘠過甚奉值粥勸

進奉

上諭朕受

皇考付託之重朕自酌量可進飲食朕自少進若勉強飲

食反於朕躬無益朕斷不肯少有假偽嗣後不必勸

奏

又奉

上諭先時

皇考甚愛惜諸蒙古王台吉等一應大事其未出痘者皆

康熙六十二年十一月

五

不令來京朕何敢違

皇考旨意而行著行文各蒙古處其未出痘者斷不可前

來諸蒙古賓客皆感戴我

皇考撫養重恩今來朝謁

梓宮非常日可比著增給口糧

又奉

上諭蒙古賓客皆

皇考恩養之人來時視其品級高下排列整齊加意照看

勿使勞苦

又奉

上諭曰

梓宮前太監因

皇考大事奔走服役值此嚴寒朕心深為憫惻著俱賞給

皮衣

十六日禮部奏宣讀

大行皇帝遺詔儀注奉

旨著問該部此儀注內只議諸王大臣如何不議及朕

躬禮部回奏

遺詔特曉諭內外頒行天下舊典未載

皇上應行之禮所以未敢具議奉

上諭

遺詔自宮中捧出時朕豈可照常靜處乎其作何行禮之

康熙六十二年十一月

六

處總理事務王大臣禮部公同議奏覆奏

遺詔捧出時

皇上在

乾清宮簷下立

遺詔過時

皇上跪俟

詔過起

上同苦次奉

旨是

又總理事務王大臣議奏南海子舊衙門及鄭家

莊新造

行宮此兩處

殿宇深嚴制度宏敞俱係

大行皇帝頻經駐蹕之地可以安奉

梓宮恭請

皇上欽定奉

上諭朕受

皇考深恩如天罔極忽升

仙馭攀戀無從惟有朝夕瞻近

梓宮稍盡哀慕之忱此二處隔越郊外離宮禁甚遠朕心

不忍爾等所議未當

世祖章皇帝大事時曾安奉於景山壽皇殿朕意亦欲安

康熙六十一年十一月

七

奉於景山壽皇殿庶得朝夕赴

梓官前親行奠獻爾等即傳諭該部速行敬謹修理

又御史楊保等奏奏鴻臚寺官宣讀

大行皇帝遺詔時未宣漢文奉

上諭楊保等奏一案雖非大事然亦有關係朕今若

將此事交部察議則以後滿漢人員必生互相異視

之見

皇考一視同仁從未分別滿漢今朕念切紹庭諸事仰體

皇考聖心且宣讀清字

詔書時大小臣工既已共聞即與宣讀漢字

詔書無異此蓋

皇考在

天之靈使滿漢人員翕然如一家之意也有何分別滿漢

之處者將本發還

又

諭總理事務王大臣先因京師米價騰貴

皇考宵旰焦勞

特命朕查視各倉彼時見倉糧甚多奏請將應行出倉之

米迅速辦理蒙

旨俞允朕今仰體

皇考軫恤民生之至意務令米價漸平著交與監督張坦

麟陳守創會同倉場即速辦理其修補舊厰添建新

康熙六十一年十一月

八

厰甚屬緊要著交與監督張坦麟陳守創呂文櫻禪

濟布折爾金帶領工部賢能司官確實料估會同倉

場應脩補者速行脩補應添建者現今冬寒之際俟

明年春初添建此項脩補添建所需錢糧動用捐貯

驛站銀兩其應否補項之處再議此事並非此時應

下之旨係遵奉

皇考原下之要旨是以特諭張坦麟等敬謹奉行

又奉

上諭曰

皇考念切天下兵民生計宵旰勤勞前因京師米價昂貴

焦思極慮從塞外回鑾減膳節用自妃嬪以及宮人

太監日令一發當

龍馭上賓之時猶惓惓未釋於懷也向來口外米穀不准運進口內而燒鍋仍照常開設可速令口外米穀准其進口其開設燒鍋著禁止從前朕恭奉

皇考諭旨同大臣等查閱倉廩見各倉米穀甚多今應將倉內米穀作何發糶使米價得平以副

皇考聖心著隆科多孫渣齊查酌納明日進見面議

十七日禮部奏

登極儀注奉

上諭爾等所議自乾清宮月臺坐轎出乾清門正內等語乾清宮雖垂簾幙朕何忍在

康熙六十二年十一月

九

皇考前卽坐轎出中門著將轎預備在乾清門朕從東旁

門出再坐轎朕心始安 又禮部奏請

御殿行禮既畢列坐賜茶奉

上諭朕因祇承

皇考遺命勉抑哀痛成此大禮豈忍安坐飲茶卽在朝羣

臣亦誰能下咽著停止賜茶 又禮部奏捧

寶人員應捧

玉寶由

乾清宮御路中行奉

上諭此寶雖

皇考舊日所御今傳之於朕卽朕之寶也

祥宮在上豈可竟由中路而出著由甬路旁行

又大學士等奏頒雍正年號錢文式樣奉

上諭錢文係國家重務向因錢價昂貴常座

皇考聖懷此事甚屬緊要從前雲南巡撫楊名時題請鼓鑄部議不准未經舉行今何以能使錢文價平方合

皇考便民利用之意滇省之外何省應令鼓鑄與錢價有

益之處著總理事務王大臣九卿公同會議具奏

又奉

上諭下五旗諸王屬下人內京官自學士侍郎以上外

官自州牧縣令以上該王輒將其子弟挑爲包衣佐

領下官及哈哈珠子執事人折挫使令者甚衆嗣後

著停止挑選其現在行走人內係伊父兄未任以前

康熙六十二年十月

十

挑選者令其照常行走若係伊父兄既任以後挑選

者俱著查明撤回或有過犯該王特欲挑選之人著

該王將情由奏明再行挑選

又奉

上諭張英勵杜訥在內廷行走歷年甚久端謹恪勤亦

曾教諸阿哥讀書朕篤念舊勞特加恩卹張英著加

贈宮保勵杜訥著加贈尚書該部議奏

又奉

上諭海青自幼隨侍

皇考實心効力年久人材亦好朕方供飯時忽然念及此

卽

皇考在

天之靈有以示之也著贈伊爲一品再太監顧問行亦係

自幼侍從

皇考効力年久之人著贈伊爲三品俱致祭一次

十八日

上以

大行皇帝遺詔內有二十七日釋服之

旨

諭滿漢大臣朕凡事無不遵奉

皇考遺旨而行但持服乃人子之道二十七日服制之處

康熙六十一年十一月

十二

朕斷然不從設若此事朕不得行其志必致憾恨無

已爾諸王滿漢大臣宜體朕意

十九日禮部以本月二十日

皇上前登大寶詣

皇太后前行禮儀注遵

旨啓奏

皇太后奉

上諭

皇太后懿旨宜與諸大臣皇帝誕膺大位理應受賀至與

我行禮有何關繫况

先帝喪服中卽衣朝服受皇帝行禮我心實爲不安著免

行禮欽此著總理事務王大臣禮部內務府總管等再

行恭懇

皇太后本日王大臣等具奏懇請奉

上諭諸臣所奏

皇太后覽過仍不受禮朕再三懇求奉

皇太后懿旨諸大臣等既援引

先帝所行大禮懇切求請我亦無可如何知道了今晚於

梓宮前謝

恩後再行還宮欽此傳諭王大臣等知之

又禮部奏本月二十日

皇上紹承大寶告祭行禮恭請停止

康熙六十一年十一月

十三

親詣

梓宮前奠酒併請

欽定恭代奠酒之人奉

上諭奠酒時朕仍親奠強自節哀朕得多近

皇考梓宮愈增福祉更復何所避忌明蚤上食時爾部大

臣引朕至乾清宮門外朕親奠畢旁立俟徹祭後再

行告祭禮

二十日

諭禮部朕惟自古賢聖之君必有顯號徽稱以昭功德

之盛垂於萬世此國家不易之鉅典也仰惟我

皇考大行皇帝臨宇六十一年早承大統寅畏小心旦明

稟昭格之忱

郊祀親升中之典監於成憲率由舊章孝奉

兩宮尊養兼至展敬

陵

廟備物盡誠總攬萬幾阜成兆姓蠲賦動盈千萬賑恤曾

不稽時水旱先籌雨暘必達寬刑肆赦德洽好生盛

暑則釋囹圄嚴寒則賑饑溺兵糧預給優賞頒頒准

旬屢巡動數百萬之帑金運

睿謨而兩河底績魯邦特幸行數千年之殊禮屈

帝尊而九拜崇師覽奏廣而利弊周知觀臣僚而賢愚立

辨保全勤舊庇廢宗支廣育人材敦厚風俗布昭

康熙六十一年十一月

十三

聖武申討不庭元裔背叛而旋踵就殲三孽逆命而剋期

獻馘俄羅斯佔喀爾喀之疆圍諭以威德卽奉約章

喀爾喀逼厄魯特之暴殘納其困窮胥登衽席噶爾

丹肆毒鄰境三臨絕漠掃靖烽烟策妄阿喇布坦摧

滅與國出師命將恢復藏地臺灣置郡紅苗革心南

朔東西無思不服至於

天縱生知日新好學講筵時御手定六經廣博士於五賢

配先儒於十哲文婉二典書邁百家貫徹天文總括

地理旁羅術數考正元聲研索羣編鑒裁纂輯凡此

難名之美善洵亘古帝王首出之

一人雖復累牘連章不能紀述萬一朕方與天下臣民均

切怙戴不意

龍馭上賓顧子冲人嗣膺大統仰承

佑啓之恩敢後顯揚之禮謹考彝章宜升

尊諡兩部詳察典禮具奏

又

論禮部朕惟君國之道必崇孝理民之本務重尊親

欽惟我

母后仁承

天德順協坤儀恭儉溫慈懋昭淑範恩勤顧復誕育藐躬

朕纘荷鴻圖恭承

懿訓顯揚

康熙六十一年十一月

十四

聖善儀典宜隆式考舊章恭上

皇太后尊號兩部詳察典禮具奏

二十一日諸王大臣等以

萬幾至重咸候

聖謨治理請遵

大行皇帝遺詔二十七日釋服具奏奉

上諭云

皇考大行皇帝聖德神功罕有比倫實爲亘古未有之

聖君朕亦不宜行近代相沿之典禮釋服之制以日易月

雖始於漢文而高宗諒陰三年獨非古制乎朕不能

上比高宗而哀慕之情不能自已若謂三年有誤政

事則二十七日之內可保不誤乎況朕有賢好昆弟親信大臣可以代朕總理庶務若謂二十七日之制皇考既已行之於前須知

皇考御極之始正在冲齡朕非行前代未行之典禮以為超越前人然稽之史冊漢文以來誰能媲美

皇考爾諸王公大臣多平素讀書博通典故若從漢文以來能舉一聖君如我

皇考者朕自當勉從眾請爾等若不能舉一媲美之聖君則朕又安忍守漢文二十七日之制乎本朝舊制釋服亦待百日之期庶可少盡思

君思

康熙二十一年十月

五

父之哀衷揣爾等之意惟恐過勞朕躬殊不知朕若持服尙可少進糧粥暫眠苦塊如必強朕釋服則朕必致寢食俱廢矣

皇考遺命一言一字朕無不拳拳服膺只此二十七日釋服之

詔非敢故違而罔極恩深哀思迫切雖蹈違命之愆亦不恤也朕言及此易勝嗚咽實不能悉朕之悲懷爾諸王大臣其諒之

又

諭內閣大學士圖海勳勞懋著從前

皇考御乾清宮曾降旨諭在廷諸臣其後亦屢經嘉獎茲

特追封圖海為一等公其塋墓著交與該部修理並加祭一次

又

諭內閣舅舅佟國維襲公奏相蒙

皇考收貯機密事件之內敬思

皇考必另有主見始行收貯

孝懿皇后朕之養母則隆科多即朕之親舅此公爵著隆科多承襲交與該部修理舅舅墳塋加祭一次

二十二日

諭兵部現今各省將軍處題補引見到旗人員再各省

副參以下千總以上題補引見到部人員著查明具

康熙二十一年十月

十六

奏從前

皇考引見武職官員其甚不堪者頗少朕今值

皇考大事未得引見應派王大臣驗看將人材可用與例

相符者具奏補授令其到任其人材庸劣者指名具

奏如此則案件不至堆積而到京人員亦無守候之

苦

二十三日諸王大臣等復以

郊

廟祀典必待

皇上除服後舉行大祀不可久闕考據古今典禮合詞

虔懇再四回請遵奉